

TEZĂUR LITURGIC

5 AUGUST

ACATISTUL SF. MUCENIȚE EVDOCHIA, DARIA I DARIA II ȘI MARIA DE LA PUZINSK



MOSCOVA, 2000



Акафист

святых мученицам Евдокии, Дарии, Дарии и Марии

Кондак 1

Избранные угодницы и стратотерпицы Христовы, мира сего безумие обличившие и благодатные дары источающие, восхваляем вас любовью: вы же имеющий на врага победу, от бед и напастей свободите нас, да зовем вам: Радуйтесь, мученицы Евдокие, Дарие, Дарие и Марие, молитвенницы к Богу усердные.

Икос 1

Ангелов сонм удивися естеству вашему, мученицы, яко на земли небесному жительству уподобляясь, вся блага временная отринувши и Единому Христу апостольски последовавши, яко лучи солнечные миру возсияли есте: тако и Господь чудесами прославляя подвиги ваша, научи воспевати вам таковая: Радуйся, Евдокие, чашу страданий Христовых до конца испившая; Радуйся, юродством глубину мудрости от

человек сокрывшая. Радуйся, яко горлица о едином Женихе взывающая; Радуйся, молитвою своею жизнь нашу ограждающая. Радуйтесь, мученицы, подвигам блаженныя Евдокии подражающи; Радуйтесь, силу Креста Господня, яко твердыню неборимую прославляющи. Радуйтесь, проповедницы Света Христова: Радуйся, тихии молитвенницы во времена тяжкия. Радуйтесь, мученицы, яко мудрые девы елеем светильники наполнивши: Радуйтесь, яко агнцы непорочные на заклание ведомые. Радуйтесь, землю Нижегородскую освящающи; Радуйся, мира концы облистающи. Радуйтесь, мученицы Евдокие, Дарие, Дарие и Марие, молитвенницы к Богу усердныя.

Кондак 2

Видяще земнаго существа немощь, сиротство без матери от младенства и во отрочестве многи скорби претерпевши, мученице Евдокие, печаль свою на Бога возложивши, теплою молитвою к Заступнице Усердной взывала еси: Аллилуйя.

Икос 2

Разум горних чинов Божественною Премудростию открываяся вам, мученицы, егда бременнаго тела отвергошася, в непрестанном служении Богу пребывали есте; пением, бдением и пощением образ подавая любовью воспевающим вам: Радуйся, мученице Евдокие, от юности Христа всем сердцем возлюбившая; Радуйся, благословение от Преподобнаго Серафима во отрочестве своем приявшая. Радуйся, измлада псаломски искренняго своего не отменяяся; Радуйся, за то биения и метания камней от осуждающих тебя претерпевшая. Радуйся, подвигу блаженныя Пелагеи Дивеевской возревновавшая; Радуйся, яко незлобием своим Богу угодившая. Радуйся, стяжание земнаго удаляяся, к стяжанию благодати Духа Святаго ум и сердце приблизившая; Радуйся, яко непоколебимо воле Божией предалася еси. Радуйся, Дарие, споспешнице в подвизех досточудная; Радуйся, яко послушание затворнику Анатолию Саровскому исполнившая. Радуйся, пению псалмов и стихир безкнижно наученная; Радуйся, яко смирением своим просияла еси. Радуйтесь, мученицы Евдокие,

Дарие, Дарие и Марие, молитвенницы к Богу усердныя.

Кондак 3

Силою Вышняго, скорби и болезни претерпевая, в подвизех не оскудевали еси, но добродетели умножая, воспевали Богу: Аллилуйя.

Икос 3

Имеяй благодатные дары в сердце своем, блаженная Евдокие. безмолвнаго жития возжелев и от славы под покровом юродства от мира укрываясь, за народ в бездну безбожия влекомый, к Богу со слезами взывала еси; мы же ведуще сие, поем таковая: Радуйся, Евдокие, нищету Христову возлюбившая; Радуйся, лице свое от мира сокрывшая. Радуйся, яко пение молитв, единое бысть тебе утешение; Радуйся, яко терпела на теле своем одежды тление. Радуйся, суету земную отлагающая; Радуйся, в молитве и посте день и ночь пребывающая. Радуйся, нелицемерной любовью сердца приходящих к тебе умягчающая; Радуйся, заботою о жизни ближних и дальних людей молитвенно усердствующая. Радуйся, Марие, верность Богу в служении старицы своей

засвидетельствовавшая; Радуйся, простотою сердца своего ей следовавшая. Радуйся, послушанием и смирением плоти Духа Святаго стяжавшая; Радуйся, повелением Святителя Николая с верою исполнившая. Радуйтесь, мученицы Евдокие, Дарие, Дарие и Марие, молитвенницы к Богу усердные.

Кондак 4

Бурю помышлений сумнительных от умножения беззаконий имеяй людие земли нашея, к тебе, блаженная Евдокие. яко к тихому пристанищу прибегали, скорби свои на тя возлагая; ты же научала всех пети Богу: Аллилуйя.

Икос 4

Слышаша пастырие о многих подвизах твоих, блаженная Евдокие, и образ жития твоего, яко угодный Богу видя, направляли люди к твоему пред Богом о них ходатайству, восхваляя любовь твою ко Господу, воспеваючи таковая: Радуйся, Евдокие, не человеческое, но Божие разумевающая; Радуйся, вверенных тебе от Бога путем узким к Царству Небесному ведущая. Радуйся, подобно Иову многострадальному в

болезни Бога прославляющая; Радуйся, временность и тленность жития сего явно всем показующая. Радуйся, Дарие, молитвой непрестанной имя Божие призывающая; Радуйся, слова блаженной Евдокии в сердце своем вмещающая. Радуйся, твердостью духа славная; Радуйся, Божественного органа сладкозвучная струно. Радуйтесь, мученицы, Божия Матери всегдашние молитвенницы; Радуйтесь, Царицы Небесной хвалебную песнь возносящие. Радуйтесь, иноческого жития добрые ревнители; Радуйтесь, общего жития избранные сосуды. Радуйтесь, мученицы Евдокие, Дарие, Дарие и Марие, молитвенницы к Богу усердные.

Кондак 5

Боготечную звезду четырьмя концами небо облистающую, зрим вас четыре мученицы Российстии егда небоязненно веру во Христа исповедовали еси, в радости взывая Ему: Аллилуйя.

Икос 5

Видя враг рода христианского богоугодное житие ваше, не вынося терпети огня пламенных

молитв ваших, святии, подосла лукаваго человека, Божие на земное променявшего, на вас же всю ненависть богоотступной власти наведшаго, яко тать бежа; вы же, святии мученицы, не осудили сего, но безропотно в руци Божий жизнь свою предали есте. Тако, видя кротость вашу, умиленно глаголем вам сицевая: Радуйся, Евдокие, Крестным знаменем бесов прогоняющая; Радуйся, от рассвета до полудни молитву тайную творившая. Радуйся, видя грядущи испытанія, мужеству ближних своих научающая; Радуйся, в теле немощном крепость духа великую стяжавшая. Радуйся, Дарие, кротости исполненная; Радуйся, в любви ко Христу земнаго жениха удалилася еси. Радуйся, сладость временную презревшая; Радуйся, от сродник своих поношение претерпевшая; Радуйтесь, мученицы. многими подвигами просиявший; Радуйтесь, в простоте голубиней сердца своя соблюдший. Радуйтесь, странности старицы вашея терпеливо сносивший; Радуйтесь, от соблазна и неверия устоявшии. Радуйтесь, мученицы Евдокие, Дарие, Дарие и Марие, молитвенницы к Богу усердныя.

Кондак 6

Проповедь истины бысть житие ваше святии, яко путем скорбным и трудным внидем в Царство Небесное: тако вы сами себеи малого лишили в сем временном веце, купуя драгоценный бисер - Христа в жизни нескончаемой, непрестанно поя Ему: Аллилуйя.

Икос 6

Воссияла яко пресветлая заря, блаженная Евдокие, мрак греховный разгоняющая и приходящих к тебе от сетей вражиих изымающая. Мы же, усердной о нас Богу ходатаице, любовью воспеваем тако: Радуйся, Евдокие, света Евангельского свечо; Радуйся, целомудрия столпе. Радуйся, грехов тяжких мудрая обличительнице; Радуйся, яко ни единое слово твое бессмысленно бысть. Радуйся, сердца нераскаянныя покаянием врачующая; Радуйся, о грешных людех слезы проливающая. Радуйся, колокола звон, яко глас Господень провещавающая; Радуйся, молитвою своею усопших не оставляющая. Радуйтесь, мученицы древних пустынножителей последователи; Радуйтесь, стужу и глад добровольно претерпевшии. Радуйтесь, от уныния и тревоги

свобождающих; Радуйтесь, безбожия и злобы окрест живущих не убоявшись. Радуйтесь, мученицы Евдокие, Дарие, Дарие и Марие, молитвенницы к Богу усердные.

Кондак 7

Хотя боголюбивый Архимандрит Софроний оповестити тя о скорой мученической кончине твоей, написа Образ Христа в терновом венце и яко дар в день Ангела твоего посла тебе: ты же, блаженная, не приемше икону сию, венец же Христов на главу свою восприяла еси, воспевая Ему: Аллилуйя.

Икос 7

Новых мучеников собор украшаете вы, святые жены, за Христа пострадавшие, егда Бога в Троице, яко Единого Создателя душ и телес наших, безбоязненно пред мучители исповедасте, тако первым мученикам христианским воистину сродницы явились; мы же, взирая на таковое мужество ваше, хвалебное воспеваем вам пение: Радуйся, Евдокие, стопам создавшего вся, Божия Слова, последовавшая; Радуйся, сопричастницами ближних своих сему соделовавшая. Радуйся,

Христовою любовью распаляемая, ищуща яже Богу угодная; Радуйся, приятелище Духа Всесвятаго явилася еси. Радуйся, Марие, воздержанием тело духу поработившая; Радуйся, путь странничества возлюбившая. Радуйся, благословение на служение блаженной Евдокии с верою приявшая; Радуйся, яко верный воин при нашествии врагов не малодушествующая. Радуйтесь, мученицы, духовною благодатию недуги отъемлющи; Радуйтесь, духи лукавыя отгоняющи. Радуйтесь, страсти неисцельныя исцеляющи; Радуйтесь, неверных к вере приводящи. Радуйтесь, мученицы Евдокие, Дарие, Дарие и Марие, молитвенницы к Богу усердные.

Кондак 8

Странное чудо видим на тебе, мученице Евдокие, егда три дни и три ночи избиваема плетми и ногами затаптываема отрядом неистовствующих богоборцев; яко безгласная агница вся претерпевала еси, взывала единому Богу: Аллилуйя.

Икос 8

Всем Ходатаица Неизменная, Сама Царица Небесная незримо простирала Покров свой над вами, мученицы Господни, егда узрев инок - иконописец чудное видение Оранской Божией Матери на воздухе молящуюся над тихой келией вашей, со слезами прощения у тебя испроси, блаженная Евдокие, яко написа тебе образ сей; мы же слыша о чудном явлении, воспеваем вашу память пресветлую: Радуйся, Евдокие, благ вечных, как единого счастья людям желающая; Радуйся, приходящих к тебе к молитве сердечной призывающая. Радуйся, о Горнем помышляти научающая; Радуйся, от огненного запаления дома верных ограждающая. Радуйся, Дарие, агнице незлобивая; Радуйся, откровением помыслов сердце чисто до конца сохранившая. Радуйся, в келии блаженной Евдокии долгий затвор на себя приявшая; Радуйся, все скорби духовною радостью претерпевающая. Радуйтесь, мученицы яко мног труд и тесен путь в житии своем прешли есте; Радуйтесь, монашествующих столпи крепции. Радуйтесь, вся яже в житии сем красная презрели есте; Радуйтесь, взявши на рамена своя Крест Христов. Радуйтесь, мученицы

Евдокие, Дарие, Дарие и Марие, молитвенницы к Богу усердныя.

Кондак 9

Все естество Ангельское удивися, егда видеша Духа Святаго, яко голубя, крилами своими от плетей вас ограждающего и благодатию своею покрывающего вас, мученицы, ведомых на казнь, в радости взывающих Ему: Аллилуйя.

Икос 9

Вития красноглаголивии не возмогут изрещи благолепие ликов ваших, святии, егда стояли пред убивающими тела ваша, души же не могущими коснуться; мы же воспеваем вам таковая: Радуйся, Евдокие, мудрости Божия вместилище; Радуйся, о себе ни единыя жалости не приемлющая. Радуйся, терпение ближних своих, яко злато в горниле закаляющая; Радуйся, причудами своими от всего земного отстраняющая. Радуйся, Дарие, под Богом ходившая; Радуйся, с любовью блаженной Евдокие послужившая. Радуйся, яко Псалмы Давидовы от начала до конца каждодневно воспевающая; Радуйся, благ нрав и послушание

к наставнице твоей имела еси. Радуйтесь, мученицы, светлые голубицы; Радуйтесь, неувядаемые цветы райстии. Радуйтесь, в печалех утешение; Радуйтесь, в скорбех помощницы. Радуйтесь, мученицы Евдокие, Дарие, Дарие и Марие, молитвенницы к Богу усердные.

Кондак 10

Спасти хотя род человеческий, Господь Вседержитель, подает образ спасения во святых Своих, православную веру утвердивших и добродетельми просиявших, нас же обучающих пети Богу: Аллилуйя.

Икос 10

Стена нерушимая Пресвятая Владычице Богородице в образе иконы Своея Иверския изнесена бысть нечестивыми из келии блаженной Евдокии, вслед вам, мученицы; тогда видеша людие вси, сияние от Нея исходящее; мы же научишася пети вам похвальная: Радуйся, Евдокие, к двенадцати лампадам, яко к двенадцати апостолом во время молитвы лице свое обращающая; Радуйся, апостольских правил рачительнице. Радуйся, строгая

обличительнице неправды; Радуйся, совести чистой от всякаго неуклонно требовавшая. Радуйся, Марие, со спокойной душою на заклатие пришедшая; Радуйся, смерть от штыка претерпевшая. Радуйся, от мира сокрывшись, миру возсиявшая; Радуйся, волею за Христа пострадавшая. Радуйтесь, мученицы, молитвами своими от всякия скверны нас ограждающие; Радуйтесь, души верных веселящие. Радуйтесь, неугасимыя светильницы Россійския земли; Радуйтесь, Божия благодати неиссякаемыя струи. Радуйтесь, мученицы Евдокие, Дарие, Дарие и Марие, молитвенницы к Богу усердныя.

Кондак 11

Пение непрестанное возносили Ангелов Чини и Вышних стояния над многоскорбными телесами вашими, святии мученицы, егда Воззвавый вас к вечным Обителям, виде ярость людей, злобою врага рода человеческого одержимых, возбраняющих верным пети: Аллилуйя.

Икос 11

Светозарным сиянием, озаряющим землю нашу, явистесь святии мученицы, егда и по

смерти вашей подаете исцеления и от бед спасение; тако притекаяй к вам, яко к тихому пристанищу, со умилением поем: Радуйся, Евдокие, с одра болезни на лоно Авраамово возшедшая; Радуйся, мзду за труды строителям келии Небесным Чертогом уплатившая. Радуйся, у оскорбляющих тебя прощение испросившая; Радуйся, молчанием своим пред судившими тебя Христу последовавшая. Радуйся, Дарие, огненный столпе, непрестанно горевший к Богу; Радуйся, дух радости апостольски возогревающая. Радуйся, блаженной Евдокии тело немощное, яко сосуд драгоценный понесшая: Радуйся, яко старица твоя от мучителей смерть прияв, душу свою святую на руках твоих Богу предала еси. Радуйтесь, мученицы, ко крестам, яко на Голгофу приведенныя; Радуйтесь, яко достигли есте тихаго пристанища и радости неизреченныя. Радуйтесь, яко кости ваша источают чудеса и исцеления; Радуйтесь, многих спасение. Радуйтесь, мученицы Евдокие, Дарие, Дарие и Марие, молитвенницы к Богу усердныя.

Кондак 12

Благодатную жизнь во Христе показаша святии праведницы тако светолитными венцами увенча вас Господь, Ему же вси поем: Аллилуйя.

Икос 12

Поюще песнь хвалебную, премногими глаголы не возможем изреци крепость любви вашей ко Господу, яко до конца возлюбили и до конца претерпели; сего ради величаем вас: Радуйся, Евдокие, цвете райский дивно процветший; Радуйся, страдания Христовы понесшая. Радуйся, прозрением грядущая возвещающая; Радуйся, прибегающим к твоему заступлению, помощь скоро подающая. Радуйся, полчища бесов посрамившая; Радуйся, от плена вражьего кающихся свободящая. Радуйся, избавление от печали; Радуйся, устранение соблазнов. Радуйтесь, мученицы, неиссякаемый кладезь Божия благодати; Радуйтесь, тишину и мир утверждающий. Радуйтесь, иереев хвалебная песнь; Радуйтесь, монашествующих радости. Радуйтесь, мученицы Евдокие, Дарие, Дарие и Марие, молитвенницы к Богу усердные.

Кондак 13

О, святии мученицы, Евдокие, Дарие, Дарие и Марие, примите песнь сию, прославляющую досточудное житие и яже за Христа страдания ваша; ныне же Лицу Божию предстоя и Пречистей Его Матери, молитесь о нас, поющих Богу: Аллилуйя, Аллилуйя, Аллилуйя.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

I

**НОВОЕ
* НЕБО**